

魏

書

四三



天象志一第四

魏書一百五

太和十二年十一月戊午太白犯歲又犯火喪
疾之祥占曰國無兵憂則君有白衣之會景寅
火又犯木占曰內無亂政則主有喪戚之故十
二月壬寅太白犯填占曰金為喪祥后妃受之
十三年二月熒惑犯填占曰火主凶亂女君應
之皆文明太后之謫也先是十一年六月甲子
歲星晝見十二月甲戌又晝見是歲六月又如
之歲而麗于大明少君象也是時孝文有仁聖

之表而太后分權以干冒之及帝春秋方壯始將經緯禮俗財成國風故比年女君之謫屢見而歲星竄盛至于不可掩奪矣且占曰木晝見主有白衣之會是歲九月丙午有大流星自五車北入紫宮抵天極有聲如雷占曰天下大凶國有喪宮且空夫五車君之車府也天象若曰是將以喪事有千乘萬騎而舉者大有聲其事昭盛至十四年三月填星守哭泣占曰將以女君有哭泣之事四月丙申火犯鬼喪祥也六月

有大流星從紫宮出西行天象又曰人主將以喪事而出其宮八月月太白皆犯軒轅九月癸丑而太皇太后崩帝哭三日不絕聲勺飲不入口者七日納菅屨徒行至陵其反亦如之哀毀骨立柱而後起雖殊俗之萌矯然知感焉自九月至于歲終凡四謁陵又荐出紫宮之驗也四十

年十一月月犯填星十二月月犯軒轅十五年十月月犯填又犯軒轅八月又犯之九月月掩填星十七年正月月又犯軒轅皆女君之也是時林貴人以故事薨及馮貴人爲后而其姉譜之至二十年竟坐廢黜以憂死幽后繼立又以淫亂不終

十三年十二月戊戌填星辰星合于須女女齊

吳分占曰是為雍沮主令不行且有陰親者至
十四年三月庚申歲星守牛占曰其君不愛親
戚貴人多喪又饑祥也是歲太白三犯熒惑十
月太白入氐十一月有大流星從南行入氐甲
申齊邦之物也金火相鑠為兵喪為夫人之謫
天象若曰宿宮有兵喪之故盛大者循而殘之
處其寢廟之中矣至十五年三月壬子歲犯填
在虛三月癸巳木火土三星合宿于虛甲午火
土相犯虛齊也占曰其國亂專政內外兵喪故

立侯王九月乙丑太白犯斗第四星戊子有大
流星起少微入南宮至帝坐主有盛大之臣乘
賢以侮其君者且占曰大人易政至十七年正
月戊辰金木合于危危亦齊也是爲人君且罹
兵喪之變四月戊子太白犯五諸侯占曰有擅
刑以殘賊諸侯者至七月齊武帝殂西昌侯以
從子干政竟殺二君而自立是爲齊明帝於是
高武諸子王侯數十人相次誅夷殆無遺育矣
雖繼體相循實有準命之禍故天譴仍見云十

五年至十七年 月行七犯 建星建星為忠臣之輔 經代之謀 又
吳之分也 十五年再犯 牽牛十六年至十七年 又四犯 南斗是
謂且于天祿 且曰 大人多死者 又十五年七月 金入太微 十七
年火入太微 宮反 且之戒 是歲月行 四入太微 十七年六入太
微 比歲凡

夷其宗室亦積忍酷甚也

十五年四月癸亥熒惑入羽林 十六年二月壬
子太白入羽林 占曰 天下兵起 三月巳卯 四月
丙午 五月甲戌 十月辛卯 月行皆入羽林 十七
年四月壬寅 八月辛卯 十二月辛巳 又如之 先
是陽平王頤 統十二將軍 騎士七万 北討蠕蠕
是歲八月上 勒兵三十餘万 自將擊齊 由是比

歲皆有事于南方

十五年三月諡畢十一月又犯之十六年五月及七月月再入畢八月

十一月又再犯之十七年八月又入畢畢為邊兵占日貴人多死十五年六月濟陰王鬱賜死十七年南平王霄三老尉元皆死十八年安定王休死十九年司徒馬誕太師馮熙廣川王諧皆死

十七年二月庚戌火土合于室室星先王所以制宮廟也熒惑天視填為司空聚而謀之其相宅之兆也且緯曰人君不失善政則火土相扶卜洛之業庶幾興矣是歲九月上罷擊齊始大議遷都冬十月詔司空穆亮將作董邈繕洛陽宮室明年而徙都之於是更服色殊徽号文物

四二六
魏志四
大備得南宮之應焉

凡五星分野熒惑統朱鳥之宿而填以軒鼓寓之皆周鶉火之

分室又并州之分是為步自并州而經始洛邑之祥也

四
十七年二月丁丑太白犯井辛丑又犯鬼五月
戊午晝見九月又如之是謂兵祥雍州也是月
火木合于婁婁為徐州占曰其地有亂万人不
安八月辛巳熒惑入井占曰兵革起明年二月
詔征南將軍薛真度督四將出襄陽大將軍劉
昶出義陽徐州刺史元衍出鍾離平南將軍劉
薛出南鄭皆兩雍徐方之分後年正月平南王

肅大敗齊師于義陽降者方餘已亥上絕淮登

八公山並淮而東及鍾離乃還

至十九年六月庚申金木合于井七月火

犯井三十二年十一月大敗齊師于沔北明年春復大破之下二十餘城於是悉定沔漢諸郡時江南僞立雍州於襄陽以惣牧西土遺黎故與東井同候

十八年四月甲寅熒惑入軒轅后妃之戒也是時左昭儀得幸方譖訐馮后上蠱而惑之故天若言曰夫膚受之微不可不察亦自我天視而降鑒焉至十九年三月月犯軒轅二十年七月辛巳又掩填星是月馮后竟廢尋以憂死而立

左昭儀是為幽后明年追廢林貞后為庶人二十二年正月月又掩軒轅十一月又彗星起軒轅歷鬼南及天漢天又若曰是固多穢德宜其彗除矣行歷鬼又彊死之徵明年幽后賜死也十九年六月壬寅熒惑出于端門占曰邦有大獄君子惡之又更紀立王之戒也明年皇太子恂坐不軌黜為庶人至二十一年十月壬午熒惑歲星合於端門之內歲為人君火主死喪之禮而陳于門庭大喪之象也二十二年二月乙

丑木火合于掖門內是夕月行逮之三月丙午
木火俱出掖門外再合一相犯月行逮之后妃
預有咎焉明年四月宮車晏駕夫太微禮樂之
庭也時帝方脩禮儀正喪服以經人倫之化竟
未就而崩少君嗣立其事復寢縉紳先生咸哀
慟焉故天視奉而修之是以徘徊南宮蓋皇天
有以著慎終歸厚之情或曰合于天庭南方有
反臣之戒是時齊明帝殂比及三年而亂兵四
交宮掖旣而蕭衍戡之竟覆齊室云

二十一年十一月有

流星照地至天津而滅占曰將有樓船之攻人君以大衆行二十二年而上南伐是歲之正月有流星大如三斗瓶起貫索東北流光燭地經天掇乃滅有聲如雷天掇天子先驅也占曰國中貴人有死者且大救至三月上南征不豫詔武衛元嵩詣洛陽賜皇

后死

世宗景明元年四月壬辰有大流星起軒轅左角東南流色黃赤破爲三段狀如連珠相隨至翼左角后宗也占曰流星起軒轅女主後宮多讒死者翼爲天庭之羽儀王室之蕃衛彭城國焉又占曰流星于翼貴人有憂擊是時彭城王忠賢且以懿親輔政借使世宗諒陰恭已而修

成王之業則其祖之道庶幾興焉而阿倚母族
納高肇之譖明年彭城王勣廢後數年高氏又
鳩于后而以貴嬪代之由是小人道長讒亂之
風作矣夫天之風戒肇于履端之始而沒身不
悟以傷魏道豈不哀哉或曰軒轅主后土之養
氣而庇祐下人也故左角謂之少人焉天象若
曰人將喪其所以致養幾至流亡離析矣是歲
北鎮及十七州大饑人多就食云

是歲十二月
癸未暈太微

既而有白氣長一丈許南抵七星俄而月復暈北斗大角為君以兵自
衛又赦祥也且為立君之戒時蕭衍立少主於江陵改元大赦尋伐金陵

以長圍逼之又二年正月月暈井參鬻昂五車占曰

貴人死大赦是歲廣陵王羽薨二月至秋再大赦

二年正月巳未金火俱在奎光芒相掩為兵喪

為逆謀大人憂之野有破軍殺將奎徐方也三

月丁巳有流星起五諸侯入五車至天潢散絕

為三光明燭地五車所以輔衰替之君也流星

自五諸侯干之諸侯且霸而脩兵車之會分而

為二距之疑之君幾將並立焉魏收以為流星出五車諸侯有反者至五

月咸陽王禧

謀反賜死

戊午填星在井犯鉞相去二寸占曰

人君有戮死者時蕭衍起兵襄陽將討東昏之

亂是月推南康王寶融爲帝踐阼于江陵於是
齊有二君矣至八月戊午金火又合于翼楚分
也十一月甲寅金水俱出西方占曰東方國大
敗時蕭衍已舉夏口平尋陽遂沿流而東東主
之師連戰敗績於是長圍守之十二月齊將張
稷斬東昏以降又戮主之徵至三年正月火犯
房北星光芒相接癸巳填星逆行守井北轅西
星皆大臣賊主更政立君之戒也三月金水合
於須女女齊分金水合爲兵誅二月丁酉有流

星起東井流入紫宮至北極而滅東井雍州之

分衍憑之以興且西君之分使星由之以抵辰

極是為禪受之命且為大喪是月齊諸侯相次

伏誅既而西君錫命衍受禪于建康是為梁武

帝戊辰而少主殂自二年至三年六月掩犯斗魁七月火犯斗皆異分也時

江南北歲大饑又連兵北鄙負敗相迹又二年七月暈婁內青外黃轆昂畢天船大陵卷舌奎船

為徐魯又赦祥也且曰多死喪三月青齊徐兗

餓死万餘人七月大赦三年八月月暈外青內黃轆昂畢婁胃五車占曰貴人多死十二月月犯昂環月太傅平陽王丕薨後年正月大赦

三年八月丙戌有大流星起天中北流大如二

斗器占曰有天子之使出自中京以臨北方至
四年九月壬戌有大流星起五車東北流占曰
有兵將首于東北是歲二月辛亥三月丁未月
再掩太白皆大戰之象也庚辰揚州諸將大破
梁師于陰陵十一月左僕射源懷以便宜安撫
北邊明年二月又大破梁師于邵陵九月蠕蠕
犯邊復詔源懷擊之

是歲七月月暈昴畢觜參井五車占曰旱大赦又再暈軒轅太

微明年正月月暈五車東井兩河鬼填星是月大赦改元六月以亢陽詔撤樂減膳

正始元年正月戊辰流星如斗起相星入紫宮

抵北極而滅夫紫宮后妃之內政而由輔相干
之其道孛矣且占曰其象著大有非常之變至
二年六月癸丑有流星如五斗器起織女抵室
而滅占曰王后憂之有女子白衣之會往反營
室豐歸後庭焉三年正月己亥有大流星起天
市垣西貫紫蕃入北極市垣之西又公卿外朝
之理也占曰以目犯主天下大凶明年高肇欲
其家擅寵乃鳩殺于后及皇子昌而立高嬪為

后

先是景明四年七月太白犯軒轅大星至二年六月木犯昴占曰人君有白衣之會同上

三年六月丙辰太白晝見占曰陰國之兵彊八月梁師寇邊攻陷城邑秋九月安東將軍邢巒大破之宿豫斬將三十餘人捕虜數万十月甲寅月犯太白又大戰之象明年中山王英敗績

于淮南士卒死者十八九

又元年正月月暈胃昴畢五車戊午又暈五車東井兩河

鬼填星二月甲申又暈昴畢觜參三年正月月暈太微軒轅皆為兵赦是月皇子生大赦天下

四年七月己卯有星孛于東北占曰是謂天譴大臣貴人有戮死者凡孛出東方必以晨乘日而見亂氣蔽君明之象也昔魯哀公十三年十

一月有星孛于東方明年春秋之事終是謂諸
夏微弱蠻夷逆霸田氏專齊三族擅晉卒以干
其君明而代奪之陵夷遂爲戰國天下橫流矣
今孛星又見與春秋之象同天戒若曰是居太
陽之側而干其明者固多穢德可彗除矣而君
不悟衰替之萌將繇此始乎是歲高肇鳩后及
皇子明年又譖殺諸王天下寃之肇故東夷之
俘而驟更先帝之法累構不測之禍干明孰甚
焉魏氏之孛亂自此始也

永平元年三月戊申熒惑在東壁月行抵之相
距七寸光芒相及室壁四輔君之內宮人主所
以庇衛其身也天象若曰且有重大之臣屏藩
王室者將以讒賊之亂死於內宮又曰諸侯相
謀五月癸未填星逆行太微在左執法西是爲
后黨持政大夫執綱而逆行侮法以啓蕭牆之
內是月月犯畢六月又掩之占曰貴人有死者
庚辰太白歲星合于柳柳爲周分且占曰有內
兵以賊諸侯八月京兆王愉出爲冀州刺史恐

不見容遂舉兵反以誅尚書令高肇為名與安

樂王詮相攻于定州九月太師彭城王勳于禁

中愉亦死之或曰柳豫州分所合之野謀兵有戰野拔邑事至十一月丙子流星起羽林南大如椀色

赤有黑雲東南引如一匹布橫北轢星占曰禁兵起所首召之是歲豫州人白早生殺刺史司馬悅以城降梁遣尚書邢巒擊

之十二月巒拔懸瓠斬早生

二年三月丁未有流星徑數寸起自天紀亭于

市垣光芒燭地有尾跡長丈餘凝著天天象若

曰政失其紀而亂加乎人浸以萌矣是將以地

震為徵地震者下土不安之應也是月火入鬼

距積尸五寸積尸人之精爽而炎氣加之疫祥也四月乙丑金入鬼去積尸一寸又以兵氣干之彊死之祥也踰逼者事甚鬼主驕亢之戒故金火荐災其人以警言而懼之五月太白犯歲光芒相觸占曰兵大亂歲饑不出三年七月庚辰有流星起騰虵入紫宮抵北極而滅天戒若曰彼光後王道者疑以馭陰陽之變矣將有水旱之沴地震之祥而後災加皇極焉明年夏四月平陽郡大疫死者幾三千人平陽鬼星之分也

秋州郡二十大水冀定旱饑四年胸山之役喪

師殆盡其後繁時桑乾靈丘秀容鴈門地震陷

裂山崩泉涌殺八千餘人延昌三年詔曰比歲

山鳴地震于今不已朕甚懼焉至正月宮車晏

駕七年十一月丙戌月奄畢火星至三年八月火犯積尸占曰貴人死又饑疫祥也比年水旱災疫是月中山王略薨

明年春司徒廣陽王嘉薨

二年九月甲申歲星入太微距右執法五寸光

明相及十二月乙酉逆行入太微奄左執法三

年閏月壬申又順行犯之相去一寸保乾圖曰

臣擅命歲星犯執法是時高肇方為尚書令故
歲星反復由之所以示人主也天若言曰政刑
之命亂矣彼居重華之位者盍將反復而觀省
焉今雖厚而席之適所以為禍次具耳且占曰中

坐成刑遠期五年間五歲而肇誅

四年四月庚午
熒惑犯軒轅大

星至五月入太微距右執法三寸光芒相接熒惑天視也始由
軒轅而省執法之位其象若曰是居后黨而擅南宮之命君其
降監焉其應
與歲星同也

四年正月戊戌有流星起張西南行殷殷有聲
入參而滅張河南之分參為兵事占曰流星自

東方來至伐而止有來兵大敗吾軍有聲者怒也先是去年十一月月犯太白是歲又犯之在胃八月辛酉又犯之胃為徐方大戰之象也十月戊寅有大流星孛于羽林南流色赤珠落下入濁氣孛然而流王師潰亂之兆先是梁胸山鎮殺其將來降詔徐州刺史盧昶援之十二月昶軍大敗於淮南淪覆十有餘万

是歲七月乙巳有流星起北斗

魁前西北流入紫宮至北極而滅占曰不出其年兵起且亡君戒是歲有胸山之役閒歲而帝崩

四年十二月己巳歲星犯房上相相距一寸光

芒相及至延昌元年三月丙申歲星在鈎餘東
五寸距鍵閉三寸丙午又奄房上相天象若曰
夫鈐鍵之轡君上所宜獨操非驂服所當共也
先是高肇為尚書令而歲星三省執法是歲至
升為司徒猶怏怏不悅而歲星又再循之所以
示人主審矣閒二歲而上崩肇亦誅滅

或曰木與房合主喪

水又元年二月月暈并鬼軒轅十月又暈并五車參畢皆水旱
饑赦之祥自元年二月不雨至六月兩大水二年四月庚子出
絹十五万匹賑河南饑人是夏州
郡十二大水八月滅天下殊死

二年四月庚午熒惑犯軒轅大星十月壬申月

失行犯軒轅大星至延昌元年三月填星在凶
守之九十餘日占曰有德令拜太子女主不居
宮至十月立皇太子賜爲父後者爵旌孝友之
家至二年三月乙丑填星守房占曰女主有黜
者以地震爲徵地震者陰盈而失其性也四月
丙申月掩填星七月戊午又如之是爲后妃有
相遷奪者且曰女主死之時比歲地震至三年
八月太白又犯軒轅十二月月掩熒惑皆小君
之謫也時高后席寵凶悍雖人主猶畏之莫敢

動搖故世宗胤嗣幾絕明年上崩后廢為尼降
居瑤光寺尋為胡氏所害以厭天變也

延昌元年八月己未有流星起五車西南流入
畢畢邊兵也占曰有兵車之事以所直名之至
二年十一月戊午又有流星起五車西南流殷
殷有聲馮怒者事盛也十二月己卯有流星西
南流分而為二又偏師之象也至三年六月辛
巳太白晝見占曰西兵大起有王者之喪十一
月大將軍高肇伐蜀益州刺史傅豎眼出北巴

平南羊祉出涪安西奚康生出綿竹撫軍甄琛

出劔閣會帝崩旋師

先是元年三月己酉木土相犯占曰人君有失地者將死之又

曰先作事者敗兵起必受其殃三年九月太白掩右執法是為大將軍有罹刑辟者先是二年二月梁郁洲人徐玄明斬大將張稷來降及肇出征退亦就戮

元年三月乙未有流星起太陽守歷北斗入紫

宮抵北極至華蓋而滅太陽守所以弼承帝車

大臣之象今使星由之以語天極之位臣執國

命將由此始乎且占曰天下大凶主室其空先

是去年八月至十月月再入太微是歲三月又

如之十二月甲戌月犯火于太微占曰君死不出三年貴人奪權失勢二年三月辛酉熒惑又犯太微占曰天下不安有立君之戒九月丁卯入太微犯屏星明年正月而世宗崩於是王室遂卑政在公輔

三年二月月暈畢昴五車太白東井占主赦是月太白失行在天關北占有關梁之

兵道不通明年正月肅宗立大赦天下二月梁將任太洪帥眾寇關城

四年五月庚戌九月乙丑十月癸巳月皆犯太微中歲而驟干之彊臣不御執法多門之象也閏月戊午月犯軒轅又女主之謫十一月庚寅

木火會于室相距一尺至甲午火徙居東北亦相距一尺室爲後宮火與木合曰內亂環而營之或淫事干逼諸侯之象占曰姦臣謀大將戮若有夷族之害以赦令除之先是三年九月太白犯執法是歲八月領軍于忠擅戮僕射郭祚九月太后臨朝淫放日甚至逼幸清河王懌其後羽林千餘人焚征西將軍張彝宅辜死者百數朝廷不能討於是大赦原羽林亦營室之故

也

魏收以爲月犯太微大臣有死者其後安定主薨月犯軒轅女主憂之其後皇太后高尼崩于瑤光寺營室又主土

功也胡太后害高氏以
厭天變乃以後禮葬之

四年十月太白犯南斗斗爲吳分占曰大兵起
先是三年四月有流星起天津東南流轆虛危
天津主水事且曰有大衆之行其後梁造浮山
堰以害淮泗諸將攻之是歲閏月有大彗星起
七星南流色正赤光明燭地尾長丈餘歷南河
至東井七星河南之分也流星出之有兵起施
及東井將以水禍終之又占曰所與城等疑是
時鎮南崔亮攻梁師于硤石明年二月鎮東蕭

寶賈大破梁淮北軍九月淮堰決梁人十餘萬
口皆漂入海

肅宗熙平元年三月丙子太白犯歲星十二月
甲辰月犯歲星是謂彊盛之陰而陵少陽之君
歲又諸侯也天象若曰始由內亂干之終以威
刑及之是歲正月熒惑犯房四月庚子又逆行
犯之癸卯月又犯房占曰天下有喪諸侯起霸
將相戮十一月大流星起織女東南流長且三
丈光明照地占曰王后憂之有女子白衣之會

間歲高太后殂司徒國珍薨中宮再有喪事其

後僕射于忠司徒任城王澄薨既而太后幽逼

清河中王戮死或曰月太白犯歲星饑祥也火犯房陳兵滿野有饑國且大赦又元年十二月

月暈井甬參五車占曰水旱有赦至二年正月大赦十月幽冀滄瀛大饑是月月再暈畢參五車占曰饑赦明年幽州大饑死

者數千人自正月不雨至六月是歲四夷反叛兵大出又赦改元

二年六月癸丑有大流星出河鼓東南流至牛

十一月流星起河鼓色黃赤西南流長且三丈

有光照地至神龜元年四月壬子有流星起河

鼓西北流至北斗散滅河鼓鼓旗之應也故流

星出之兵出入之兵入昔宋泰始初大流星出
自河鼓西南行竟夜有小星百數從之既而諸
侯同時作亂至是三出河鼓秦州屬國羌及南
秦東益氐皆反七月河州人却鐵忽與群盜又
起自稱水池王詔行臺源子恭及諸將四出征
之朝廷多事故天應屢見云

神龜二年四月甲戌大流星起天市垣西東南
流轆尾光明燭地天象若曰將作大衆而從后
妃之事矣以所首名之是歲九月太后幸崧高

或曰市垣所以均國風尾幽州也明年詔尚書

長孫稚撫巡北蕃觀省風俗

二月丙辰月在參暈井
紫參歲星五車占曰有

死相具赦明年諸

王多伏古辛又大赦

二年八月己亥太白犯軒轅是月月又犯之至

正光元年正月月又犯軒轅大星四月庚戌金

火合于井相去一尺占曰王業易君失政大臣

首亂將相戮死以用師大敗五月丙午太白犯

月相距三寸占曰將相相攻秦國有戰七月太

白犯角角天門也是為兵及朝庭占曰有謀不

成破軍斬將是月侍中元義矯詔幽太后于北宮殺太傅清河王懌八月中山王熙起兵誅元義不克遇害明春衛將軍奚康生謀討義于禁中事泄又死是冬諸將伐氏官軍敗績

正光元年九月辛巳有彗星光爛如火出于東方陰動爭明之異也感精符曰天下以兵相威以勢相乘至威疑亂起布衣從衡禍未庸息帝宮其空昔正始中天讒孛于東北是歲而攝提復周故天象若曰夫讒之亂萌有自來矣彗除

之象今則著矣戰國之禍將由此作乎間三年
而北鎮肇亂關中迹之自是姦雄鼎沸覆軍相
踵其灾之所及且二十餘年而猶未弭焉梁志曰九月乙亥有星辰見東方光如火占曰國皇見有內難急兵明年義州反乙亥去辛巳凡六日而北方覲之其氣蓋同矣始干其明以妖南國既又禁而布之以除魏邦

二年四月甲辰火土相犯於危十一月辛亥金
土又相犯于危危存亡之機太白司兵熒惑司
亂而玄枵司人土下之所係命也三精游聚群
臣叶謀以濟屯復之運焉占曰天下方亂甲兵

大起王后專制有虛國徙王至四年四月己未
火土又相犯于室是謂後宮內亂且占曰欲殺
主天子不以壽終或曰魏氏軒轅之裔填星之
物也赤靈為母白靈為子經綸建國之命所以
傳撥亂之君也其受之者將在并州與有齊之
國乎其後太后淫昏天下大壞上春秋方壯誅
諸佞臣由是鄭儼等竦懼遂說太后鳩帝既而
介朱氏興于并州終啓齊室之運卜洛之業遂

丘墟矣
二年十月月掩心大星至三年正月月掩心距星四
月丁丑又如之占曰亂臣在側
五年間

歲而肅

宗崩

三年七月庚申有大流星如五斗器起王良東北流長一丈許王良主車騎且曰有軍涉河昭盛者事大是日月在昴北三寸十一月乙卯又如之是謂兵加匈奴且胡王之適也先是蠕蠕阿那瓌失國詔北鎮師納之是歲八月蠕蠕後主來奔懷朔鎮間歲阿那瓌背約犯塞詔尚書令李崇率騎十萬討之出塞三千餘里不及而

還

二年九月庚戌月暈胃昴畢五車辛亥又暈之占曰彗星有赦至三年九月月在畢暈昴畢觜參五車是歲夏大旱十二

月大
救

三年二月丁卯月奄太白京師不見涼州以聞
占曰天下大兵起涼州獨見災在秦也三月癸
卯有大流星起西北角流入紫宮破為三段光
明照地角星主外朝兵政流星由之將大出師
之象若曰將以兵革之故王室分崩入抵紫宮
天下大凶有虛國之象四月癸酉有大奔星歷
紫微入北斗東北首光明燭地殷然如雷盛怒
之象也皆以所直名之至四年八月乙亥月在

畢奄熒惑又邊城兵亂之戒也十月乙卯太白
入斗口距第四星三寸光芒相奄占曰大兵起
將戮辱又吳分也五年正月沃野鎮人破落汗
拔陵反臨淮王彧征之敗績于五原六月莫折
大提反於秦雍州刺史元志討之又大敗於隴
東明年南方諸將頻破梁師至八月杜洛周起
上谷其後鮮于脩禮反定州王師比歲北征冀
方大震既而葛榮承之音陷河北

五年二月月在
參暈紫參五車

東井熒惑八月又暈之閏月月
在張翼舞暈軒轅太微占曰兵
起士卒多遯走一日士卒大聚
又皆赦祥也是時徵調驟起兵

相貽藉又有詔內外戒嚴將親征自二月至六月每
大赦天下十月月在畢量昂畢當終後年春又大赦先是二

年九月歲星犯左執法至三年正月癸丑又逆
行犯之相去四寸光芒相及五月丙辰歲星又
奄左執法是時官者劉騰與元又叶謀遂總百
揆之任故歲星反復由之與高肇同占至四年
二月騰死又由是失援其年十一月庚戌歲星
犯房上相相距二寸光芒相奄五年四月己丑
歲星又逆行犯之明年皇太后反政又遂廢黜
昔高肇為尚書令而歲星三省之及升于上相

歲星亦再循之至是三犯執法而騰死再干上相而又敗曠宮之譴異代同符矣

孝昌元年五月太白犯軒轅八月在張角盛大占曰有暴酷之兵張河南也十二月火入鬼又犯之占曰大賊在大人之側后以淫泆失政又秦分也二年正月癸卯金木相犯於牛十一月戊申又相犯于女歲所以建國均人女爲螻蟻妾牛爲農夫天象若曰是將罹以寇戎而喪其耕織之務矣且曰有亂兵大戰而波及齊吳是歲

八月甲申月在胃奄鎮星閏月癸酉又奄之三
年正月戊辰又奄之是為女君有罹兵刑之禍
者游干之事甚而眾也又占曰天下大喪无主
貴人兵死國以滅亡又二年三月奔星大如斗
出紫微東北流光照地占曰王師大出邦去其
君六月有奔星如斗起大角入紫宮而滅棟星
以肆觀群后而敷威令于四方也今大號由之
以詔天極不以逆乎且有空國徙王之戒焉十
月有星入月中而滅占曰入而無光其國卒滅

星反出者亡國復立是歲四月至三年九月熒惑再犯軒轅大星武泰元年正月又逆行

之占曰主命將失女君之象亂逆之災三月庚申月奄畢大星占曰邊兵起貴人多死者是時淫風滋甚王政盡弛自大河而北極關而西覆軍屠邑不可勝計既而蕭寶夤叛于雍州梁師驟伐淮泗連兵責士万姓嗷嗷喪其樂生之志矣是歲二月帝竟以暴崩四月尔朱榮以大兵濟河執太后及幼主沈諸中流害王公以下二

千遂專權晉陽以令天下焉

三年正月癸酉月在井
暈崙參兩河王車七月

大赦明年少

主立又大赦

莊帝永安元年七月癸亥太白犯左角相距四寸光芒相奄兵及朝庭之象占曰大戰不勝貴人有來者其謀不成至二年閏月熒惑入鬼犯積尸占曰兵起西北有鈇鉞之誅是歲北海王顥以梁師陷考城執濟陽王暉業乘虛逐勝遂入洛陽至七月王師大敗之顥竟戮死有謀不成之驗明年介朱天光擊反虜方俟醜奴及蕭肅

寶黃于安定克之咸伏誅

二年十一月熒惑自鬼入太微西掖門犯上將
出東掖門犯上相東行累日句已去來復逆行
而西十二月乙丑月又奄之至三年正月癸未
逆行入東掖門己丑月入太微龍襲熒惑辛卯月
行太微中又暈之三月己卯在右執法北一尺
五寸留十四日至壬辰月又奄之復順行而東
四月戊午月又干太微而暈己未熒惑出端門
在左執法南尺餘而東自魏興以來未有循環

和
魏書
卷之
三十五
文

反復若此之存也是時孝莊將誅權臣有興復
魏室之志是以誠發於中而災惑咨謀於上焉
其占曰有權臣之戮有大兵之亂貴人以彊死
而天下滅亡至五月己亥太白在參晝見參為
晉陽之墟天意若曰干明之釁於是乎在矣七
月甲午有彗星晨見東北方在中台東一丈長
六尺色正白東北行西南指丁酉距下台上星
西北一尺而晨伏庚子夕見西北方長尺東南
指漸移入氐至八月己未漸見癸亥滅占曰彗

出太階有陰謀姦宄興凡天事爲之徵形以戒
告人主始滌公輔之穢而彗除之權臣將滅之
象再干太陽之明而後陵奪之逆亂復興之象
也三月而見者變近亟也究于內宮者反仇其
上也近期在衝遠期一年先是二月壬申有大
流星相隨西北尾迹不絕以千計西北直晉陽
之墟而微星庶人所以載皇極也人徙而君從
之是月戊戌有大奔星自極東貫紫宮而出影
迹隨之遷君之應至九月上誅太原王榮上黨

王天穆于明光殿是夕尔朱氏黨攻西陽門不
克退屯河陰十二月洛陽失守帝崩于晉陽自
是南宮版蕩劫殺之禍相踵先是永安元年七
月丙子十一月丙寅十二月癸巳月皆奄畢大
星至二年三月乙卯月入畢口八月乙丑又距
畢左股二寸光芒相奄須臾入畢口十二月丙
辰奄畢右股大星三年六月乙巳又犯畢大星
八月庚申入畢口犯左股大星是月辛丑太白
犯軒轅明年五月月又犯畢右股遂入之畢星

所以建魏國之命也占曰天下有變其君大憂
邊兵起上將戮月游干之事甚而眾及尔朱兆
作亂奉長廣王為主号年建明明年二月又廢
之而立節閔六月高歡又推安定王為帝於信
都復黜之後更立武帝於是三少王相次崩殂
又洛陽再陷六宮汗辱有兵及軒轅之效焉永安

二年十月辛亥十二月丁巳月皆在畢暈昴畢七填星觜參五車
普泰元年正月己丑月在角暈軫角五車亢連環暈北斗大角
織女十月又暈昴畢觜參井五
車是時肆赦之令歲月相踵

節閔普泰元年五月辛未太白出西方與月並

間容一指戰祥也先是去年十一月辛丑月在
太白北不容一指占曰有破軍殺將主人不勝
既而尔朱氏南侵王師敗績至是又與月合幾
將復之乎十月甲寅金火歲土聚于紫微參其明
大晉魏之墟也且曰兵喪並起霸君興焉是時
勃海王歡起兵信都改元中興至十一月己卯
奔星如斗起太微東北流光明燭地有聲如雷
占曰大臣有外事以所首事命之或曰中國失
君有立王遷主著而有聲者盛怒也是時尔朱

氏成師北伐明年三月癸巳火逆行犯氏占曰
天子失其宮閏月庚申歲星入鬼犯天尸占曰
有戮死之君旣而介朱北等大敗于韓陵覆師
十餘万四月武帝即位比及歲終凡殺三廢帝
孝武永熙元年九月太白經天十一月辛丑有
大流星出昴北東南流轆畢貫參光明照地有
聲如雷天象若曰將有髡頭之兵憑陵塞垣與
大司馬合戰明年正月丁酉勃海王歡追擊兆
等于赤洪嶺大破之介朱氏殲焉

二年四月太白晝見九月丁酉火木合于翼相
去一寸光芒相奄占曰是謂內亂姦臣謀人主
夏甲寅金火合于軫相去七寸光芒相及占曰
是謂相鑠不可舉事用兵翼軫南宮之蕃又荆
州也至三年三月癸巳有奔星如三斛甕起匏
瓜西流入市垣有光燭地迸流如珠尾跡數丈
廣且三尺凝著天狀如蒼白雲須臾屈曲蛇行
匏瓜爲陰謀星大如甕爲發謀舉事光盛且大
人貴而衆也以所首名之且爲天飾王者更均

封疆是時斛斯椿等方說上伐高歡荊州刺史
賀拔岳預謀焉高歡知之亦以晉陽之甲來赴
七月上自將十餘萬次河橋望歡軍憚之不敢
戰遂西幸長安至十月勃海王更奉孝靜為主

改元天平由是分為二國更均封疆之應也是

月歡命侯景攻荊州拔之勝南奔
是年三月庚子木逆行在左執

法北一寸光芒相奄五月甲申又在執法西半寸乍見乍不見
占曰疆臣擅命改政更元十二月上崩由是高歡宇文泰擅權
兩國又二年十一月乙丑三年八月庚午十二月庚申月皆在
畢暈畢昂參五車自三年二月至明年正月東西魏凡四大赦

三年五月己亥熒惑逆行奄南斗魁第二星遂

入斗口先是元年十一月熒惑入斗十餘日出而逆行復入之六十日乃去斗大人之事也占曰中國大亂道路不通天下皆更元易政矣越之君絕嗣是歲東西帝割據山河遂為戰國比十月至正月梁魏三帝皆大赦改元或曰斗為壽命之養而火以亂氣干之耄荒之戒也是時梁武帝年已七十矣怠於聽政專以講學為業故皇天殷勤著戒又若言曰經遠之謀替矣將以逆亂終之而勦其天祿焉夫天懸而示之且

猶不悟其後攝提復周卒有侯景之亂云

三年十二月

月梁人立元慶和為魏王屯平瀨明年正月東南行臺元晏大破之六月豫州刺史堯雄又大破梁師於南頓十月梁攻單父徐州刺史任祥又大破之斬虜萬餘級十二月柳仲禮寇荊州諸將又大敗之時梁軍政益弛故累有負敗之應

東魏孝靜天平二年有星孛于太微歷下台及室壁而滅南宮成周之墟孝文之餘烈也孛星由之易政徙王之戒天象若曰王城為墟夏聲幾變而台階持政有代奪之漸乎且抵于營室更都之象也是後兩霸專權皆以北俗從事河南新邑遂為戰爭之郊間三歲至興和元年九

月發司州卒十萬營鄴都十月新宮成

天平元年閏
月月奄心大

星二年八月又犯之相去七寸十一月又奄心小星相臣逼主
之象且占曰人臣伐主應以善事除殃時兩雄王業已定特以
人臣取容而已至興和二年八月
月又犯心大星後數年而禪代

元象二年七月壬戌金土合于七星癸亥遂犯
七星七星河南之分金而犯土將有封畿之戰
且占曰其分亡地先是去年十二月癸丑太白
食月是歲三月壬申太白又與月合相距一寸
大戰之祥也月象彊大之國而金合之秦師將
勝焉十二月有流星從天市垣西流長且一丈

有尾迹三年正月勃海王歡攻夏州克之十月
丁丑月犯火占曰大將有鬪死者十二月大都
督竇泰入潼關明年宇文泰距擊斬之十月遂
及勃海王歡戰于沙苑歡軍敗績捕虜萬餘是
月獨孤信拔洛陽

三年十一月熒惑犯歲星占曰有內亂臣謀主
至四年正月客星出于紫宮占曰國有大變二
月壬申八月癸未月再奄五車東南星占曰兵
起道不通十一月太白晝見占曰軍興為不臣

五年二月庚戌三月甲子填星逆順行再犯上
相上相司徒也六月太白入東井占曰秦有兵
大臣當之至元象元年七月太白在柳晝見柳
河南也八月辛卯有大流星出房心北東南行
長且三尺尾迹分爲三段軍破爲三之象也先
是行臺侯景司徒高昴圍金墉西帝及宇文泰
自將救之是月陳于河陰泰以中軍合戰大克
司徒高昴死之旣而左右軍不利西師由是敗
績斬將二十餘人降卒六万是月西帝太傅梁

景叡據長安反關中大震尋皆伏誅

天平三年正月元象元年

三月月再掩軒轅大星是年西帝廢皇后乙氏立蠕蠕女為后明年五月火犯軒轅大星既而乙氏遇害其後蠕蠕后又死

乙氏為崇焉元象元年十月月犯昴暈畢胃丁未在翼暈大星軒轅左角十一月在井暈五車兩咸東西主凡三大赦

興和元年二月壬子火犯井占曰秦有兵亂貴

人當之四月又入鬼亦兵喪之祥也又土地之

分也至二年十一月甲戌太白在氐與填星相

犯氐鄭地也至四年七月壬午火木合于井相

去一尺占同天平明年北豫州刺史高仲密據

武牢西叛宇文泰帥眾援之戊申及勃海王戰

于邙山西軍大敗虜王侯將校四百餘人獲六

萬餘級元年八月月在畢暈昴畢觜五車二年正月大赦三年正月至八月又再暈之歲星在焉四年十一月月

暈軒轅太微壬申又暈胃昴畢五車皆兵饑赦祥也明年東西主皆大赦後年三月高歡入朝以春冬亢旱請賑窮乏死罪已

下皆宥之先是元年十月辛丑有彗星出于南斗長丈

餘至十一月丙戌距太白三尺長丈餘東南指

二月乙卯至婁始滅占曰彗出南斗之土皆誅

其上疑又吳分始自微末終成著大而與兵星

合焉天戒若曰夫劫殺之萌其事由來漸矣而

人君辨之不早終以兵亂橫流不可撲滅焉婁

又徐方之次亂之所自招也至二年四月己丑
金木相犯于奎丙午火木又相犯于奎奎爲徐
方所以虞蹶防之寇也歲主建國之命而省人
君之差敗火主亂金主兵三精游而聚謀所以
哀矜下土而示驅除之戒也是時梁主衰老太
子賢明而不能授之以政焉由是領軍朱异等
浸侵明福之權至武定五年侯景竊河南六州
而叛又與連衡而附益之是歲十二月梁師敗
績于彭城捕虜五萬餘級江淮之間始蕭然愁

歎矣明年師大敗陷溺以十萬數景遂舉而濟
江三吳大荒道殣流離者大半淮表二十六州
咸內屬焉昔三精聚謀於危九年而高氏霸至
是聚謀於奎而蕭氏亡亦天之大數云爾

武定二年四月丁巳熒惑犯南宮上將戊寅又
犯右執法占曰中坐成刑金火尤甚四年四月
庚午金晝見六月癸巳月入畢九月壬寅太白
在左執法東南三寸許是爲執法事五年正月
月犯畢大星貴人之謫也先是九月大丞相歡

圍玉壁不克是月歡薨于晉陽辛亥侯景反僕

射慕容紹宗擊之八月淮南三王謀反誅明年

紹宗攻王思政于潁川竟溺四年九月月在翼暈軒轅太微帝坐五年二月暈昂

畢參井五車五月在張又暈軒轅太微時兵革屢動東西帝皆比歲大赦

七年九月戊午月奄歲星在斗斗為天廟帝王

壽命之期月由之以千歲星是為大人有篡殺

死亡之禍是歲梁武帝以憂逼殂明年而齊帝

後年西主文帝及梁簡文又終天下皆有大故

而江表尤甚八年三月甲午歲鎮太白在虛虛

齊分是為驚立絕行改立王公熒惑又從而入
之四星聚焉五月丙寅帝禪位于齊是歲西主
大統十六年也是時兩主立而東帝得全魏之
墟於天官為正昔宋武北伐四星聚奎及西伐
秦四星聚井四星聚參而勃海始霸四星聚危
而文宣受終由是言之帝王之業其有徵矣其
後六年西帝禪于周室天文史失其傳也

天象志一第四

魏書一百五

地形志二上第五

魏書一百六



夏書禹貢周氏職方中畫九州外薄四海析其
勅土制其疆域此蓋王者之規摹也戰國分并
秦吞海內割裂都邑混華夷漢興即其郡縣
因而增廣班固考地理焉彪志郡國魏世三分
晉又一統地道所載又其次也自劉淵石勒傾
覆神州僭逆相仍五方淆亂隨所跨擅
長更相侵食彼此不恒犬牙未足論繡錯莫能
比魏定燕趙遂荒九服夷翦逋僞一國一家遺

之度外吳蜀而已正光已前時惟全盛戶口之
數比夫晉之太康倍而已矣孝昌之際亂離尤
甚恒代而北盡爲丘墟嶺潼已西煙火斷絕齊
方全趙死如亂麻於是生民耗減且將大半永
安末年胡賊入洛官司文簿散棄者多徃時編
戶全無追訪今錄武定之世以爲志焉州郡荆
改隨而注之不知則闕內史及相仍代相泐魏
自明莊寇難紛紜攻伐旣廣啓土逾衆王公錫
社一地累封不可備舉故惣以爲郡其淪陷諸

州戶據永熙館籍無者不錄焉

司州

治鄴城魏武帝國於此太祖天興四年置相州天平元年遷都改

領郡十二

縣六十五

戶三十七万一千六百七十五

口二百四十五万九千八百三十五

魏尹

故魏郡漢高祖置二漢屬冀州晉屬司州天興中屬相州天平初改為尹

領縣十三

戶一十二万二千六百一十三

口四十三万八千二十四

鄴 二漢晉屬天平初併蕩陰安陽屬之蕩陰太和中置關今罷有西門豹祠武城牖里城蕩城石竇壇有南部右

部西部天平中決漳水為**臨漳** 天平初分鄴併內黃斥丘肥鄉置有鼓山肥鄉城邯鄲城

斥丘城列人城鷓鴣陂林**繁陽** 二漢屬晉屬頓丘真君六年臺澤有左部東部北部尉

二年屬治**列人** 前漢屬廣平後漢屬**昌樂** 太和二十一年分魏置永

安元年置郡天平**武安** 二漢屬晉屬廣平**臨水** 晉屬廣平

中罷郡復有昌城**平邑** 天平二年**易陽** 二漢屬趙國

併鄴太和二**魏** 二漢**元城** 二漢屬晉屬陽平天**斥章** 前漢屬廣平

平初屬有**易陽城** 平初屬有沙鹿山**貴鄉** 天平二年分館陶置治

晉屬廣平真君三年併列人**空陵城** 趙城有東中郎將治有

關城

陽平郡 魏文帝黃初二年分魏置治館陶城

領縣八

戶四万七千四百四十四

口十六万二千七十五

館陶 二漢屬魏郡晉屬有館陶城 清淵 二漢屬郡晉屬有清淵城 樂平 二漢屬東郡晉

屬前漢清縣後漢章帝更名治樂平城 發干 二漢屬東郡晉屬有發干城 臨清 太和二十一年

置 武城 永安中置天平元年罷二年復有武城 武陽 二漢晉屬東郡曰東武陽後改屬 陽

平 二漢屬東郡晉屬永嘉後併樂平太和二十一年復屬有陽平城崗城趙簡子陵武溝水白馬淵

廣平郡 漢武帝為平干國宣帝改為廣平國後漢建武中省屬鉅鹿魏文帝黃初二年復改治曲梁城

領縣六

戶二万三千七百五十

口十万三千四百三

平恩

二漢屬魏郡晉屬治平恩城有康臺澤

曲安

景明中分平恩置治曲安城

邯鄲

二漢

屬趙國晉屬後屬魏真君六年屬有紫山

廣平

前漢屬後漢屬鉅鹿晉屬後魏廢太和二十年復治廣平城

曲

梁

前漢屬後漢屬魏晉屬

廣年

前漢屬後漢屬鉅鹿晉屬永嘉後廢太和二十年復治廣年城

汲郡

晉武帝置治城頭

領縣六

戶二万九千八百八十三

口十萬二千九百九十七

北修武

孝昌中分南修武置治清陽城有清陽泉馬泉丁公神育河陶河熨斗泉覆釜山五里泉七里熨火馬

鳴泉重泉郡
戒安陽城

南修武

二漢屬河內晉屬有黃家具城宜陽城

汲

二漢屬河內晉屬後罷太

和十二年復治汲城有比干墓太公廟陳城興
和二年恒農人率戶歸國仍置義州於城中

朝歌

二漢屬河

內晉屬有朝歌城崔方城大方山淇水白溝水天井溝苑城新城伏羲祠

山陽

二漢晉屬河內後屬有沁陽城

南北二武陽城孝景二年置郡
初治共城後移治山陽城尋罷

獲嘉

二漢屬河內晉屬後省太和二十三年復治新洛

城有獲嘉城

廣宗郡

太和十一年立尋罷孝昌中復

領縣三

戶一萬三千二百六十二

口五萬五千八百九十七

廣宗

後漢屬鉅鹿晉屬安平中興中立南北廣宗尋罷後屬有廣宗城建始城建德城

武強

真君

三年併信都太和二年併武城
三年併信都太和二年併武城
十二年復有武城
三年併信都太和二年併武城
十二年復有武城

東郡

秦置治滑臺城晉改為濮陽後復天興中置兗州太和十八年改

領縣七

戶三萬五百二十一

口十萬七千七百一十七

東燕

二漢屬晉屬濮陽後屬有燕城堯祠伍子胥祠

平昌

孝昌二年分白馬置治平昌城

白

馬

二漢屬晉屬濮陽後屬有朝溝白馬樊城凡豪城

涼城

有涼城南中城西王母祠

酸棗

二漢晉屬陳留後屬有酸棗城肺山白沙淵望氣臺五馬淵

長垣

二漢晉屬陳留後屬真君八年併外黃景

明三年復有平丘城匡城蒲城子路祠長垣城衛靈公祠龍城

長樂

武泰初分涼城置有盤

北廣平郡

永安中分廣平置

領縣三

戶二萬六千六百九十一

口九萬一千一百四十八

南和

前漢屬廣平後漢屬鉅鹿晉屬後併任太和二十一年復有左陽亭沙陵南和城一名嘉和城安豐城

任

前漢屬廣平後漢屬鉅鹿晉屬有廣平鄉城宛鄉城豐城張相祠

襄國

秦為信都項羽更名二漢

四廿

五

五

子成

屬趙國晉屬後併任太和二十年復有襄國城

林慮郡 永安元年置

領縣四

戶一萬三千八百二十一

口五萬二千三百七十二

林慮 二漢屬河內晉屬汲郡前漢各隆慮後漢避殤帝名改焉真君六年併鄴太和二十一年復有陵

陽河東臨淇 天平初分朝歌林慮共縣置有王莽嶺源河東流為淇有黎川祐栢嶺黎城淇

城共 二漢屬河內晉屬汲天平中屬有星城几城卓水

魏德 天平二年分朝歌置有累山冷泉

頓丘郡

晉武帝置

領縣四

戶二萬七千二十二

口八萬七千六十三

頓丘

太和中併汲郡餘民在畿外者景明中置有魚陽澤帝顓頊冢帝譽冢

衛國

二漢屬東郡晉屬漢

曰觀後漢光武改有衛國城衛康叔冢子路冢蒯瞶冢孔悝冢衛軫冢衛靈公冢武鄉城

臨黃

真君三年併衛

國太和十九年復有宮城黃城衛新臺昌鄉水

陰安

二漢屬魏郡晉屬真君三年併衛國太和十九年後

有陰安城審食其冢

濮陽郡

晉置天興中屬兗州太和十一年屬齊州孝昌末又屬西兗天平初屬

領縣四

戶二萬八千六百六十四

口五萬五千五百一十二

廩丘 前漢屬東郡後漢屬濟陰晉屬濮陽 二漢屬東郡

城陽 二漢晉屬濟陰後 鄆城 二漢屬濟陰晉屬

黎陽郡 孝昌中分汲郡

領縣三

戶二萬一千九百八十

口五萬四百五十七

黎陽

二漢晉屬魏郡後罷孝昌中復屬有黎陽山

東黎

永安元年分黎陽置

頓丘

二漢屬東郡晉屬頓丘太和十八年屬汲後屬永安元年分入內黃天平中罷

清河郡

漢高帝置

領縣四

戶二万六千三十三

口十二万三千六百七十

清河

二漢晉屬前漢曰厝後漢安帝改為甘陵晉改有河城

貝丘

二漢晉屬

侯城

太和十三年置

有侯城

武城

二漢晉曰東武城屬後改有武城有閭閻

定州

太祖皇始二年置安州天興三年改

魏書卷之五
領郡五

縣二十四

戶二十七万七千五百一

口八十三万四千二百七十四

中山郡

漢高帝置景帝三年改為國後改

領縣七

戶五万二千五百九十二

口二十五万五千二百四十一

盧奴

州郡治二漢屬世祖神麇中置新城宮有焉御城樂陽城

上曲陽

前漢屬常山後漢屬晉屬常山

真君七年併新市景明元年復屬有魏昌

二漢晉屬前漢曰苦陘後漢章帝改

樂城有恒山嘉山黑山堯山黃山

為漢昌魏文帝改
有魏昌城安城

新市

二漢晉屬有蘭相如
冢義臺城新市城

毋極

二漢屬晉

罷太和十二年復治
毋極城有新城廉臺

安喜

二漢晉屬前漢曰安險後漢
章帝改有大井澤安喜城趙

堯唐

二漢晉屬有左人城
寡婦城唐水狼山祠

常山郡

漢高帝置曰恒山郡文帝諱恒改為常山後漢
建武中省真定郡屬焉孝章建初中為淮陽永

元二
年復

領縣七

戶五万六千八百九十

口二十四万八千六百二十一

九門

二漢晉屬有常山城九門城有
安樂壘燕趙神受陽壘明臺神

真定

前漢屬真
定國後漢

晉屬故東垣漢高帝十一年改有趙朔祠行唐二漢晉曰南行唐屬後改太和十四年置唐郡二十一年

罷郡立熙平中移犢乾城治唐城蒲吾二漢晉屬有嘉陽城靈壽二漢晉屬有

祠慈井陘二漢晉屬有回星城石邑前漢屬後漢罷晉復屬有石邑城

鉅鹿郡秦置後漢建武中省廣平國屬焉

領縣三

戶二萬七千一百七十二

口二十三萬二百三十九

曲陽二漢晉屬趙國曰下曲陽後改有臨平城真鄉城曲鄉城有堯祠青丘藁城前漢屬真定後

漢屬晉罷太和十二漢晉屬有鄴城安定城有西門趙鄴二漢晉屬有青丘并立黃丘地左靈丘

博陵郡 漢相帝置

領縣四

戶二万七千八百一十二

口一十三万五千七十

饒陽

前漢屬涿後漢屬安平晉屬有魯口城博陵城三良神饒陽城

安平

前漢屬涿後漢屬安平晉

屬治安平城有樓女貴人神

深澤

前漢屬涿後漢屬安平晉屬二漢晉曰南深澤後改有女蝸神祠

安國

二漢屬中山晉屬真君十年併深澤景明二年復有鹽石淵安國城

北平郡

孝昌中分中山置治北平城

領縣三

戶一萬三千三十四

口六萬五千一百二

蒲陰

二漢晉屬中山前漢曰曲逆章帝改名有蒲陰城安國城安陽赤泉神

北平

二漢晉屬中山

有北平城木門城

望都

二漢晉屬中山有高昌城朝陽城伊祁山有堯神孫山

冀州

後漢治高邑秦紹曹操為冀州治鄴魏晉治信都晉世邵續治厭次慕容垂治信都皇始二年

平信都

仍置

領郡四

縣二十一

戶一十二萬五千六百四十六

口四十六萬六千六百一

長樂郡 漢高帝置為信都郡景帝二年為廣川國明帝更名樂成安帝改曰安平晉改

領縣八

戶三萬五千六百八十三

口十四萬三千二百四十五

堂陽 前漢屬鉅鹿後漢晉屬安平國後屬有荆丘 東棗強 前漢屬清河後漢

瑞二年併廣川太和二十二年後屬有煮棗城 扶柳 前漢屬後漢晉屬安平國真君三年併堂陽景明元年復

索盧 晉屬廣川神瑞二年併廣川太和二十二年復屬有索盧城 廣川 前漢屬後漢屬清河

晉屬廣川後屬 南宮 前漢屬後漢晉屬安平後屬 信都 二漢晉屬有武陽城安城辟陽城 下

博 二漢晉屬

勃海郡

漢高帝置世祖初改為滄水郡太和二十一年復

領縣四

戶三萬七千九百七十二

口二十四萬四百八十二

南皮

二漢晉屬有勃海城

東光

二漢晉屬

脩

前漢晉屬號脩後改有董仲舒祠

安陵

晉置

勃屬

武邑郡

晉武帝置

領縣五

戶二萬九千七百七十五

口二十四万四千五百七十九

武遂

前漢屬河間後漢
晉屬安平後屬

阜城

前漢屬渤海後漢屬安平
晉屬渤海後屬有弓高城

灌

津

前漢屬信都後漢晉屬
安平後屬有竇氏冢

武邑

前漢屬信都後漢
晉屬安平後屬

武強

神光
一年

併武邑太和十八
年復有武強淵

安德郡

太和中置尋併
勃海中興中復

領縣四

戶二万二千二百一十六

口六万八千三百九十六

平原

二漢晉屬真君三年併鬲太
和二十一年復屬勃海後屬

安德

二漢晉屬平原
後屬勃海後屬

繹

幕

二漢晉屬清河真君三年併武城太和二十一年復後屬

南

二漢晉屬平原後屬勃海後屬治臨齊城

并州

漢晉治晉陽晉末治臺壁後治晉陽皇始元年平仍置

領郡五

縣二十六

戶一十萬七千九百八十三

口四十八萬二千一百四十

太原郡

領縣十

戶四萬五千六

口二十萬七千五百七十八

晉陽

二漢晉屬真君九年罷榆次屬焉有介子推祠西南有懸壺山一名龍山晉水所出東入汾有晉王祠梗陽城

同過水出木瓜嶺一出沾嶺一出大廉山一出原過祠下五水合道故曰同過西南入汾出帝永昌中霸朝置大丞相府武定

初齊獻武王

二漢晉屬有祁城祁奚墓上置晉陽宮不周黨家太谷水趙襄子城

榆次

二漢晉屬真君九年

併晉陽景明元年復有鹿臺山祠長寧水西北合同過

中都

二漢晉屬有榆次城壽陽城平譚城原過祠早山

鄆

二漢晉屬後罷太和十九年復有中鄆都有鄆城大岳山慮水入區夷澤

平遥

二漢晉為平陶屬後改有京陵

城平遥

二漢屬上黨晉屬樂平真君九年罷樂平郡屬城過山

受

陽

晉屬樂平真君九年罷樂平屬有大陵城文谷水

長安

太常二年置真君中省景明初復有二陵城三角城

陽邑

二漢晉屬真君九年罷景明二年復有白壁嶺樊陽水入表山徐水

上黨郡

秦置治壺關城前漢治長子城董卓作亂治壺關城慕容儁治安民城後遷壺關城皇始元年遷治

安民真君中復治壺關有白馬祠
劉公祠上黨關石井關天井關

領縣五

戶二萬五千九百三十七

口十萬四千四百七十五

屯留

二漢晉屬有屯留城鳳皇山一名天冢山大王山上有關
龍逢祠有疑山邁澤黃沙嶺絳水自寄氏界來入濁漳因

名交漳余五城陽水源出三椏
山東流合車臺水東南入絳水

長子

二漢晉屬慕容永所都
有廉山濁漳出焉有長

子城應城傾城幸城長濟水東流至梁川北入濁漳羊頭山下
神農泉北有穀關即神農得嘉穀處有泉北流至陶鄉名陶水

合羊頭山水北流
入濁漳有鮑宣墓

壺關

二漢晉屬後罷太和十三年復有羊
腸坂靜林山鷄鳴嶺一名大山有赤

壤川其地寒而早霜魯般門一名天門微
子城鐵鼓山五馬門令狐徵君墓五龍祠

寄氏

二漢為倚
氏屬晉景

明元年復改有猗氏城三想山北有水源出蒲谷東南流入給水有八礼泉上黨谷有盤秀嶺藍水出其南東流令濁漳有方

山伏樂陽 晉泰中分長子寄氏置有 望天嶺絳水所出有堯廟

鄉郡 石勒分上黨置武鄉 郡後罷延和二年置

領縣四

戶二万六千二百一十

口五万五千九百六十一

陽城 二漢晉屬上黨曰涅永安中改有涅 城覆饒山涅水出焉東南合武鄉水 襄垣 二漢晉屬

音山神祠襄 垣城臨川城 鄉 郡治晉屬上黨真君九年罷遼陽屬焉有 武鄉城魏城榆社城方山上有堯廟三臺

嶺上有李陽墓有古麻池 銅鞮 二漢晉屬上黨有銅鞮 即石勒與李陽所爭池 城石弟水東行入漳有

少子丹 鬼書志五 七

烏蘇城沙石

堆有堯祠

樂平郡

後漢獻帝置真君九年治太原孝昌二年復治沾城

領縣三

戶二萬八千二百六十七

口六萬八千一百五十九

遼陽

晉屬真君九年併鄉孝昌二年復有黃澤嶺遼陽城

樂平

晉屬真君九年併治孝昌二年

復有象山祠沾嶺八賦嶺

石艾

前漢屬太原後罷晉屬真君九年罷孝昌六年復故名上艾後改有井陘

關葦澤關董卓城宏女泉及祠

襄垣郡

建義元年置治襄垣城

領縣四

戶七千五百一十三

口三萬六千五百六十七

襄垣

郡治建義元年分鄉郡之襄垣置有安民城襄垣城

五原

建義元年分鄉郡之銅鞮置

建

義

建義元年分上黨之屯留置有鹿臺山及祠

刈陵

漢晉曰潞屬上黨真君十一年改後屬有伏牛山黎城

三壟山積布山路城武軍城涉城有涉水臺壁

瀛州

太和十一年分定州河間高陽冀州章武浮陽置治趙都軍城

領郡三

戶十萬五千五百四十九

口四十五萬二千五百四十二

高陽郡 晉置高陽國後改

領縣九

戶三萬五百八十六

口十四萬二百七

高陽 前漢屬涿後漢屬河間國晉復有郝神高陽城 博野 有博陸城侯城武城中鄉城 蠡吾

前漢屬涿後漢屬中山晉屬有 易 前漢屬涿漢晉屬河間後屬有易京 扶輿

清涼城顯頊城蠡吾城石羊壘 新城 二漢晉曰北新城前漢屬涿後漢屬晉復屬前漢晉曰樊輿後罷太和中改復 樂

鄉 前漢屬信都後漢罷 永寧 有班姬神石蘭神 清苑 高祖太和元年

城置

章武郡 晉置章武國後改

領縣五

戶三萬八千七百五十四

口十六萬二千八百七十

成平 前漢屬勃海後漢晉屬河間國後屬治京城有平城樂平城 平舒 前漢屬勃海後漢屬河間國晉屬

曰東平舒有章武城平鄉城有城頭神里城神 東州 前漢屬勃海後漢屬河間國晉屬有東州城 文安 前漢

屬勃海後漢屬河間國晉屬有文安平曲城廣陵趙君神 西章武 正光中分滄州章武置有章武城

河間郡 漢文帝置河間國後漢光武併信都和帝永元三年復晉仍為國後改

領縣四

戶三万五千八百九

口十四万八千五百六十五

武垣

前漢屬涿郡後漢晉屬有武垣城小陵城

樂城

二漢晉屬沿河間城有高平陵二王陵

中水

前漢屬涿郡後漢晉屬河間國

鄭

後漢晉屬治陵城有鄭城

殷州

孝昌二年分定相二州置治廣阿

領郡三

縣十五

戶七万七千九百四十三

口三十五万七千一十六

趙郡 秦邯鄲漢高帝為趙國景帝又為邯鄲後漢建武中復後改

領縣五

戶三万奉八百九十九

口二十四万八千三百十四

平棘 二漢屬常山晉屬有平棘城 房子 二漢屬常山晉屬有房子城回車城平州城嶂洪祠 元

氏 二漢屬常山晉屬有元氏城大嶺山 高邑 二漢屬常山前漢曰鄔後漢光武改晉屬有壇亭祠漢光武即位碑

有高邑城 藥城 太和十一年分平棘置治關城有藥城

鉅鹿郡 永安二年分定州鉅鹿置治舊楊城

領縣四

戶二萬三千九百九十七

口五萬八千五百四十九

廩陶

二漢晉屬治廩陶城有沃州城

宋子

二漢屬後罷永安二年復治宋子城

西經

永安

二年分經縣置有邑城三女神

廩遥

永安二年分廩陶置治楊城有歷城

南趙郡

太和十一年為南鉅鹿屬定州十八年屬相州後改孝昌中屬

領縣六

戶三萬五千四十六

口十五萬二百十三

平鄉

晉屬後罷景明二年復治鉅鹿城有平鄉城

南藥

二漢屬鉅鹿晉罷後復真君六年併栢人

太和二十一年
復有南藥城
鉅鹿二漢晉屬鉅鹿後屬栢人二漢晉屬有栢人城栢鄉城廣阿

前漢屬鉅鹿後罷太和十三年復
有廣阿城堯臺大陸陂銅馬祠
中丘前漢屬常山後漢晉屬趙國晉亂罷太和

二十一年復有中丘
城伯陽城鵲山祠

滄州熙平二年分瀛冀二州置治饒安城

領郡三 縣十二

戶七万一千八百三

口二十五万一千八百七十九

浮陽郡太和十一年分勃海章武置屬瀛州景明初併章武熙平二年復

領縣四

三丁五千の 魏書志五

戶二万六千八百八十

口九万八千四百五十八

饒安

二漢晉屬渤海前漢曰千童靈帝改有無棣溝西鄉茅焦家

浮陽

郡治二漢晉屬渤海西接漳水衡水

入焉今謂之

高城

二漢晉屬勃海治高城有平津鄉興和中合口有浮水

章

武

二漢屬勃海晉屬章武後屬治章武城有漢武帝臺漳水入海有沾水大家姑祠俗云海神或云麻姑神

樂陵郡

晉為國後改

領縣四

戶二万四千九百九十八

口八万五千二百八十四

樂陵

郡治二漢屬平原後屬魏初置義興郡晉

陽信

二漢屬勃

海晉屬治陽信

城有鹽山神祠

厭次

二漢屬平原後漢曰富平孝明改晉屬治馬領城有蒲臺祠有富城郡續居之號邵

城中有鐵柱

神羊闌城

濕沃

前漢屬千乘國後罷晉復屬治亂城有故閭閻延鄉城后父城

安德郡

中興初分樂陵置太昌初罷天平初復治般界

領縣四

戶一萬九千九百二十五

口六萬八千一百三十七

般

二漢晉屬平原後屬勃海熙平中屬樂陵後屬治般城有故般河

重合

二漢晉屬勃海正平元年併安陵太

和十八年復後屬勃海熙平中屬樂陵後屬治重合城有苑康冢勞敬通墓

重平

前漢屬勃海後罷孝昌中

復屬有歐
平昌
二漢晉屬平原後漢晉曰西平昌後罷太和二十二年復屬勃海熙平中屬樂陵後屬

治平昌城

肆州
治九原天賜二年為鎮真君七年置州

領郡三 縣十一

戶四万五百八十二

口一十八万一千六百三十三

永安郡
後漢建安中置新興郡永安中改

領縣五

戶二万二千七百四十八

口一十方四千一百八十五

定襄

前漢屬定襄後漢屬雲中晉屬新興真君七年併雲中九原晉昌屬焉永安中屬有趙武靈王祠介君神五石

神關門山聖人祠皇

陽曲

二漢晉屬太原永安中屬有羅陰城陽曲澤

平寇

真君

七年併三堆朔方定陽屬焉永安中屬有鷄頭山神祠三會河

蒲子

始光三年置真君七年併平河屬焉永安中屬

有索**驢夷**

二漢屬太原曰慮虎晉罷太和十年復改永安中屬有思陽城驢夷城倉城代王神祠

山祠

秀容郡

永興二年置真君七年併肆盧敷城二郡屬焉

領縣四

戶一萬二千五百六

口四萬七千二十四

秀容

永興二年置有秀容城原平城肆盧城石鼓山神女郎神金山神護君神風神

石城

永興二年置有

大頰石神肆盧

治新會城真君七年併三會屬焉有清天神大羅山臺城大邦城

敷城

始光初置郡真君七

年改治敷城有石谷山亞角神車輪泉神

鴈門郡

秦置光武建武十五年罷二十七年復天興中屬司州太和十八年屬

領縣二

戶六千三百二十八

口三万四百三十四

原平

前漢屬太原後漢晉屬有陰館城樓煩城廣武城龍淵神亞澤神

廣武

前漢屬太原後漢晉屬有

東西二平原

幽州

治薊城

領郡三

縣十八

戶三萬九千五百八十

口二十四萬五百三十六

燕郡

故燕漢高帝為燕國昭帝改為廣陽郡宣帝更為國後漢光武併上谷和帝永元六年復為廣陽郡晉改為

改國後

領縣五

戶五千七百四十八

口二萬二千五百五十九

荊陵二漢屬廣陽晉屬有燕昭王陵燕惠王陵狼山神矣陵陂廣陽二漢屬廣陽晉屬有廣陽城良

鄉二漢屬涿晉屬范陽後屬治良鄉城有大房山神軍都前漢屬上谷後漢屬廣陽晉屬有觀石山

軍都關昌平城安城前漢屬勃海後漢屬廣陽晉屬有安次城長道城

范陽郡漢高帝置涿郡後漢章帝改

領縣七

戶二万六千八百四十八

口八万八千七百七

涿二漢屬涿晉屬有涿城當平城鸞城固安二漢屬涿晉屬有固安城范陽永陽城金臺三公臺易臺

二漢屬涿晉屬有長安城范陽城梁門陂長鄉晉屬有方城前漢屬廣陽後漢屬涿晉屬有

臨鄉城方
城韓侯城
容城
前後漢屬涿晉屬
後罷太和中復
遼城南北二道城

漁陽郡
秦始皇置真君七年併北平郡屬焉

領縣六

戶六千九百八十四

口二万九千六百七十

雍奴
二漢屬晉屬燕國後屬真君七年併泉州屬有泉州城雍奴城
潞
二漢屬晉屬燕國後屬真君七年併安樂平谷

屬焉有
樂山神
無終
二漢晉屬右北平後
漁陽
二漢屬晉罷後復有漁陽城
樂城桃花山

土垠
二漢晉屬右北平後屬有北平城
徐無
二漢晉屬右北平後屬有徐無城

晉州
孝昌中置唐州建義元年改治白馬城

魏書卷五
領郡十二

縣三十一

戶二萬八千三百四十九

口二十萬三十九

平陽郡

晉分河東置真君四年置東
雍州太和十八年罷改置

領縣五

戶二萬五千七百三十四

口五萬八千五百七十一

禽昌

二漢屬河東晉屬即漢晉之北屈也神麇元年世祖禽赫
連昌仍置禽昌郡真君二年改七年併永安屬焉有乾城

郭平陽

二漢屬河東晉屬州治真君六年復禽昌太
和十一年復有晉永高梁城龍子城堯廟

襄

陵二漢屬河東晉屬治襄陵城

臨汾

二漢屬河東晉屬真君七年併泰平太和十一年復

泰平

真君七年

置有泰平城齊城

北絳郡

孝昌三年置治絳

領縣二

戶一千七百四十

口六千二百九十二

新安

二漢屬恒農晉屬河南後罷孝昌二年復後屬

北絳

二漢屬河東晉屬平陽二漢晉曰絳後罷

太和十二年復改屬

永安郡

建義元年治永安城

二五十三

鬼

二

林

領縣二

戶二千九百三十二

口一万五百四十

永安

二漢屬河東晉屬平陽前漢曰彘順帝改真君七年併禽昌正始二年復屬治仇池壁有霍山

祠趙

楊

二漢屬河東晉屬平陽後罷太和二十一年復後屬治楊城有岳陽山東明神

北五城郡

興和二

領縣三

戶二百一十二

口八百六十四

平昌 興和二
年置

石城 興和二
年置

北平昌 興和二
年置

定陽郡 興和四
年置

領縣三

戶四百九十八

口一千九百四十一

平昌 興和四
年置

西五城 興和四
年置

敷城郡 天平四
年置

領縣一

戶九十

口三百五十九

敷城

天平四年置

河西郡

天平四年置

領縣一

戶二百五十六

口一千一百四十四

夏陽

天平四年置

五城郡

天平中置

領縣三

戶四百一十一

口一千六百一十八

北棗

天平二年置

南棗

天平二年置

永安

元象元年置

西河郡

舊汾州西河民孝昌二年為胡賊所破遂君平陽界還置郡

領縣三

戶一千七百六十一

口四千九百九十七

永安

孝昌中置治白坑城

隰城

孝昌中置

介休

孝昌中置

冀氏郡 建義元年割平陽郡置

領縣二

戶一千三百二

口五千三百一十六

冀氏 建義元年割禽昌襄陵置有冀氏城 合陽 建義元年置有合陽城

南絳郡 建義初置治會交川

領縣二

戶八百三十六

口二千九百九十一

南絳

太和十八年置屬
正平郡建義初屬

小鄉

建義元年罷
有小鄉城

義寧郡

建義元年置
治孤遠城

領縣四

戶二千四百七十八

口八千四百六十六

團城

建義元年置
治陶谷川

義寧

建義元年
分禽昌置

安澤

建義元
年置

沁

源

建義元年
置郡治

懷州

天安二年置
太和十八年罷
天平初復

領郡二

縣八

戶二萬一千七百四十

口九萬八千三百一十五

河內郡

漢高帝置

領縣四

戶九千九百五

口四萬二千六百一

野王

二漢晉屬州郡治有太行山華岳神

沁水

二漢晉屬治沁城有沁水濟水

河陽

二漢晉屬

後罷孝昌中復

軹

後漢晉屬治軹城有軹關

武德郡

天平初分河內置

領縣四

戶一萬一千八百三十五

口五萬五千七百一十四

平臯

二漢晉屬河內有平臯陂平臯城安昌城

温

二漢晉屬河內有温湏水

懷

二漢晉屬河內有長

陵城

二漢晉屬河內有懷城州雍城中都城金城

建州

慕容永分上黨置建興郡真君九年省和平五年復永安中罷郡置州治高都城

領郡四

縣十

戶一萬八千九百四

口七萬五千三百

高都郡

永安中置

領縣二

戶六千四百九十九

口二萬七千六百三十五

高都

二漢晉屬上黨後屬

陽阿

二漢屬上黨晉罷後復屬有武斬關

長平郡

永安中置治立氏城

領縣二

戶五千四百一十二

口二萬二千七百七十八

高平

永安中置治高平城

玄氏

二漢晉屬上黨郡治有羊頭山

安平郡

領縣二

戶五千六百五十八

口一萬九千五百五十七

端氏

二漢屬河東晉屬平陽後屬

濩澤

二漢屬河東晉屬平陽後屬

泰寧郡

孝昌中置及縣

領縣四

戶一千三百三十五

口五千三百三十

東永安

西河

西漢澤

高延

汾州

延和三年為鎮太和十二年置州治蒲子城孝昌中陷移治西河

領郡四

縣十

戶六千八百二十六

口三萬一千二百一十

西河郡

漢武帝置晉亂罷太和八年復治茲氏城

領縣三

戶五千三百八十八

隰城

二漢晉屬太延中改為什星軍太和八年復有虞城陽城

介休

二漢屬太原晉屬晉亂羅太和八年

復有木瓜山鄒城有郭林宗墓介休城太岳山祠

永安

太和十七年分隰城置

吐京郡

真君九年置孝昌中陷寄治西河

領縣二

戶三百八十四

口一千五百十三

新城

世祖名嶺東太和二十一年改

吐京

世祖名嶺西太和二十一年改

五城郡

正平二年置孝昌中陷寄治西河

領縣三

戶二百五十七

口一千一百一

五城

世祖名京軍太和二年改有雞亭

平昌

世祖名刑軍太和二年改有白馬谷

石

城

世祖為定陽太和二十一年改

定陽郡

舊屬東雍州延興四年分屬焉孝昌中陷寄治西河

領縣二

戶七百九十七

口三千二百八

定陽

延興四年置

昌寧

延興四年置有陰陽二城

東雍州

世祖置太和中罷天平初復

領郡三

縣八

戶六千二百四十一

口三萬四百

邵郡

皇興四年置邵上郡太和
中併河內孝昌中改復

領縣四

戶五十二

口一百五十八

白水

有馬頭山

清廉

有清廉山白馬山

葭平

有王屋山

西太平

高涼郡

領縣二

戶四千四百四十五

口二萬一千八百五十三

高涼

太和十一年分龍門置

有高涼城閭閣麗姬冢

龍門

故皮氏二漢屬河東晉屬平陽真君七年

改屬有臨汾城

正平郡

故南太平神鹿加元年改為征平太和十八年復

領縣二

戶一千七百四十四

口八千三百八十九

聞喜

二漢晉屬河東後屬有周陽城

曲沃

太和十一年置

安州

皇興二年置治方城天平中陷元象中寄治幽州北界

領郡三

縣八

戶五千四百五

口二萬三千一百四十九

密雲郡

皇始二年置治提攜城

領縣三

戶二千二百三十一

口九千一十一

密雲

真君九年併方城屬焉

要陽

前漢屬漁陽後漢晉罷後復屬有桃花山

白

檀

郡治

廣陽郡

延和元年置益州真君二年改為郡

領縣三

戶二千八

口八千九百一十九

廣興

延和二年置真君九年併恒山屬

燕樂

州郡治延和九年置真君九年併冰樂

方城並晉泰元年置

安樂郡延和元年置交州
真君二年罷州置

領縣三

戶一千一百六十六

口五千二百一十九

土垠真君九年置安市二漢晉屬遼東真君九年併當平屬焉

義州興和二年置寄治汲郡陳城

領郡七 縣十九

戶三千四百二十八

口一万六千七百六十四

五城郡

永安中置屬司州天平中屬北豫州武定五年屬

領縣三

戶二千一百

口一万七千六十九

隰城

永安中置有鳳皇臺安郎神皇侯神

介休

永安中置

五城

永安中置

泰寧郡

興和中置

領縣三

戶二百二十八

口一千一百二十七

泰寧

興和
中置

義興

興和
中置

邵陽

興和
中置

新安郡

興和
中置

領縣三

戶三百九十四

口一千五百九十五

西垣

興和
中置

新安

興和
中置

東垣

興和
中置

澗池郡

興和
中置

領縣三

戶一百六十六

口八百二十八

北澗池興和中置俱利興和中置西新安興和中置

恒農郡興和中置

領縣三

戶九十三

口五百四十三

恒農興和中置北邙興和肴興和中置

宜陽郡興和中置

領縣三

戶一百六十九

口六百八十六

宜陽

興和中置

南澗池

興和中置

金門

興和中置

金門郡

興和中置

領縣一

戶二百七十八

口一千二百二十七

北陸

興和中置

一

三十三

三

南汾州

領郡九

縣十八

戶一千九百三十二

口七千六百四十八

北吐京郡

領縣四

戶八十八

口三百五十一

平昌

北平昌

石城

吐京

西五城郡

領縣三

戶二百四十七

口一千一百二十八

西五城

昌寧

平昌

南吐京郡

領縣一

戶三十二

口七十三

新城

西定陽郡

領縣一

戶四十二

口二百四十

洛陵

定陽郡

領縣一

戶五十四

口一百九十

永寧

北鄉郡

領縣二

戶二百九

口七百五十九

龍門

汾陰

五城郡

領縣二

戶二百一十四

口八百八十四

五城

平昌

中陽郡

領縣二

戶四百六十八

口一千六百三十七

洛陵

昌寧

龍門郡

領縣二

戶五百七十八

口二千四百九十六

西太平

汾陽

南營州

孝昌中營州陷永熙二年置寄治英雄城

領郡五

縣十一

戶一千八百一十三

口九千三十六

昌黎郡

永興中置

領縣三

戶五百九

口二千六百五十八

龍城

永熙中置

廣興

永熙中置

定荒

興和中置

遼東郡

永熙中置

領縣二

戶五百六十五

口二千六百三十四

太平

永熙中置

新昌

永熙中置

建德郡 永熙中置

領縣二

戶一百七十八

口八百一十四

石城 永熙中置 廣都 興和中置

營丘郡 天平四年置

領縣三

戶五百一十二

口二千七百二十七

富平

天平四年置

永安

元象中置

帶方

元象中置

樂良郡

天平四年置

領縣一

戶四十九

口二百三

永樂

興和二年置

東燕州

太和中分恒州東部置燕州孝昌中陷
天平中領流民置寄治幽州宣都城

領郡三

戶一千七百六十六

口六千三百一十七

平昌郡

孝昌中陷
天平中置

領縣二

戶四百五十

口一千七百一十三

方言

天平
中置

昌平

天平中置
有龍泉

上谷郡

天平
中置

領縣二

戶九百四十二

口三千九十三

平舒 孝昌中陷天平中置

居庸 孝昌中陷天平中置

徧城郡 武定元年置

領縣二

戶三百七十四

口一千五百一十三

廣武 武定元年置 沃野 武定元年置

營州 治和龍城太延二年為鎮真君五年改置永安末陷天平初復

領郡六

縣十四

戶一千二十一

口四千六百六十四

昌黎郡

晉分遼東置真君八年併冀陽屬焉

領縣三

戶二百一

口九百一十八

龍城

真君八年併柳城昌黎棘城屬焉有堯祠榆頓城狼水

廣興

真君八年併徒何永樂燕昌屬焉有鷄鳴

山石城大柳城

定荒

正光末置有鹿頭山松山

建德郡

真君八年置治白狼城

領縣三

戶二百

口七百九十三

石城

前漢屬右北平後屬真君八年併遼陽路大樂屬焉有白鹿山祠

廣都

真君八年併白狼建德肇屬

焉有金紫城

陽武

正光末置有三合城

遼東郡

秦置後罷正光中復治固都城

領縣二

戶一百三十一

口八百五十五

襄平

二漢晉屬後罷正光中復有青山

新昌

二漢晉屬後罷正光中復

樂良郡

前漢武帝置二漢晉曰樂浪後改罷正光末復治連城

領縣二

戶二百二十九

口一千八

永洛

正光末置有鳥山

帶方

二漢屬晉屬帶方後罷正光末復屬

冀陽郡

真君八年併昌黎武定五年復

領縣二

戶八十九

口二百九十六

平剛

柳城

營丘郡 正光末置

領縣二

戶二百八十二

口七百九十四

富平 正光末置 永安 正光末置

平州 晉置治肥如城

領郡二

縣五

戶九百七十三

口三千七百四十一

遼西郡秦置

領縣三

戶五百三十七

口一千九百五

肥如

二漢晉屬有孤竹山祠褐石武王祠令支城黃山濡河

陽樂

二漢晉屬真君七年併令支合次資屬焉有

武歷山覆舟山林榆山太真山

海陽

二漢晉屬有橫山新婦山清水

北平郡

秦置

領縣二

戶四百三十

口一千八百三十六

朝鮮

二漢晉屬樂浪後罷延和元年徙朝鮮民於肥如復置屬焉

新昌

前漢屬涿後漢晉屬遼東

後屬有盧龍山

恒州

天興中置司州治代都平城太和中改孝昌中陷天平二年置寄治肆州秀容郡城

領郡八

縣十四

代郡

秦置孝昌中陷天平二年置

領縣四

平城

二漢晉屬

太平

武周

二漢屬雁門

永固

善無郡

天平二年置

領縣二

善無

前漢屬雁門後漢屬定襄後屬

沃陽

梁城郡

天平二年置

領縣二

參合

前漢屬代後漢晉罷後復屬

祖鴻

一本作祗鴻

繁時郡

天平二年置

領縣二

崞山 二漢晉曰崞屬 雁門後改屬 繁時 二漢晉屬雁門後改屬

高柳郡 永熙中置

領縣二

安陽 二漢曰東安陽屬 代郡晉屬後改屬 高柳 二漢屬代郡晉罷後復屬

北靈丘郡 天平二年置

領縣二

靈丘 前漢屬代後漢晉罷後復屬 莎泉

內附郡 天平二年置

靈丘郡 天平二年置

朔州

本漢五原郡延和二年置為鎮後改為懷朔郡中改為州後陷今寄治并州里

領郡五

縣十三

大安郡

領縣二

狄那

捍殊

廣寧郡

領縣二

石門

中川

神武郡

魏志

四十一

年

領縣二

尖山

殊頽

太平郡

領縣三

太平

太清

永寧

附化郡

領縣四

附化

息澤

五原

廣收

雲州

舊置朔州後陷永
中改寄治并州界

領郡四

縣九

盛樂郡

永熙中置

領縣二

歸順

永興中置州郡治

還安

永熙中置

雲中郡

秦置

領縣二

延民

永興中置

雲陽

永熙中置

建安郡

永熙中置

領縣二

永定 永熙中置 永樂 永熙中置

真興郡 永熙中置

領縣三

真興 永熙中置 建義 永熙中置 南恩 永熙中置

蔚州 永安中改懷荒禦夷二鎮置寄治并州鄆縣界

領郡三

縣七

始昌郡 永安中置

領縣二

干門 永安中置 蘭泉 永安中置

忠義郡 永安中置

領縣二

葦池 永安中置 楊柳 永安中置

附恩郡 天平中置

領縣二

西涼 天平中置 利石 天平中置 化政 天平中置

顯州 永安中置治汾州六壁城

領郡四

縣四

定戎郡 永安中置治瓜城

領縣二

零山

永安中置

陽林

永安中置

建平郡

永安中置州治

領縣二

昇原

永安中置

赤谷

永安中置

眞君郡

天平中置治東多城

武昌郡

武定四年置治圍城

廓州

武定元年置治肆州敷城界郭城

領郡三

廣安郡 武定元年置

永定郡 武定元年置

建安郡 武定元年置

武州 武定元年置治鴈門川
武定三年始立州城

領郡三
縣四

吐京郡 武定八年置

領縣二

吐京 武定三年置
新城 武定三年置

齊郡 武定元年置州治

領縣二

昌國

武定元年置

安平

武定元年置

新安郡

武定元年置

西夏州

寄治并州界

領郡二

太安郡

神武郡

寧州

興和中置寄治汾州介休城

領郡四

武康郡 武定四年置
治東多城

靈武郡 武定元
年置

初平郡 武定元
年置

武定郡 武定元
年置

靈州 太延二年置薄骨律鎮孝昌中改後陷關
西天平中置寄治汾州隰城縣界郡縣闕

前自恒州已下十州永安已後禁旅所出戶口
之數並不得知

地形志第二上第五

魏書一百六

常山郡注云後漢建初中爲淮陽永元二年
復今案後漢書章帝建初四年四月徙常山
王昞爲淮陽王和帝永元二年五月紹封故
淮陽王昞子側爲常山王昞傳云徙淮陽王
以汝南之新安西華益淮陽國昞自常山徙
封淮陽非改常山爲淮陽蓋魏收之誤

